



第七十五冊目錄

延安李氏世譜
陝川李氏族譜(一)

一
五五

延安李氏族譜序

族譜之作自古有之蘇氏之譜蓋其一也豈不以無譜則人不知所自來其弊實至於若塗人故為之譜使同姓之人得以知其本之一而敦其和睦之義也惟我李氏出自延安盛於高麗之世宜若有譜而顧乃寥々乎無聞焉猶幸戶籍數紙得之舊籍中有以考先世四五代然而先世之昆弟及支派既無以稽而始祖之起於何代終莫之知也可勝嘆哉以輿地勝覽所載者言之延安之李有三其曰諱貴齡諱貴山乃我先祖也其曰諱石亨乃今判書廷龜之先祖也其曰諱淑琦淑域乃今延陵府院君好閔之先祖也是三姓皆不知其所

自出之祖故其系之同源與否亦無以辨也世傳以為唐李茂
從蘇定方伐百濟有功食采延安延安之有李始于此云々而
延陵之先人墓碣因載此語但史無明訂恐難據以為信姑為
傳疑可也我家自尚書公以來名卿賢相迭出前後雖中更家
禍而僉知公至我曾大父兄弟三人俱捷大科子孫之擢茅
而登宰列者迄于今不絕此豈非先世之積德者厚而流慶
者遠也康胡公之六代孫門長嘗有志於譜牒裒集頗勤承旨
公之五代孫叅奉公亦為之撰譜與先考一嘗證定而皆未及
脫稿壬辰之亂門長之所裒集者化為灰燼而叅奉公之所撰
獨全於完山宗叔之家此亦幸也

光庭

竊謂吾家譜牒前既發

其端而尚未就緒此實吾亦之責盍圖所以繼述先人之志乎
然八我朝以後二百餘年流派之遠異姓之孫不知其幾百
千今欲俱收而畢錄則事繁而功未易訖此則徐為之計可也
莫若姑錄其世系及同姓之親而速鐫之為愈也於是就舊譜
略加刪定其於先世或書其忌日及墓在某處與夫妣夫人
之系者得之故牒而詳之也女雖適人而必錄之者從其姓也
戶籍草並付于卷首者示諸後也撰訖送于湖西方伯弘老氏
弘老氏乃還之光庭曰願兄授正而序之我當鋟梓而廣其傳
焉光庭質之基嵩氏頗有改定者矣嗚呼是譜之作倡之於前
而適成於今日雖未遑於異姓之親而其所以尊祖敦宗之本

意實有以繼先志而述先業則可不恕其畧而取其意哉夫以
披閱之間而先代之系支派之別歷歷於心目而言之則
自一人之身而至於無服之遠合而言之則自無服之遠而本
於一人之身同是譜者雖有親疎遠近之分而自先世觀之
固無彼此之別苟使同譜之人因是譜而思其本之一則敦睦
之行不待勸以自行矣此吾譜之所以作也同譜之人其亦念
之哉

皇明紀元之三十三年秋七月 日忠勤貞亮功節協策扈

聖功臣輔國崇祿大夫延原府院君

李光庭序

族譜序

吾譜之序卽延源府院君之作也嘗讀此序至延李有三皆不知所自出之祖故同源與否無以辨也之語三復加意未嘗不驚歎也蓋譜系者譜其先系其後也以若吾李之有名宦族不知其孫為某祖之所出不辨何孫為何代之所分則豈非謬誤耶雖在南洛猶且然矧茲北土遐裔我孔子曰夏殷之後有杞宋存焉而文獻不足故不可徵也足則吾能徵之聖人豈欺我哉吾李亦以文獻不足不可徵也歎惟我同郡近族世微不振譜沒無稽但知有八北後零星數代不知有八北前顯揚先祖曷勝歎哉正均慨然有意於系先客夏襄足轉至黃河道白

川郡訪一族人考其世系卽我八北始祖萬戶公兄弟之孫也
一根花樹之情喜不自勝而枝分葉散之歎惡可已也古賢所
謂宗法昭明則雖在百世之下無不識其族派者良有以也是
故昔老泉系眉州之譜而蘇氏之家聲振於天下則吾李亦以
系延城君則何獨不然竊欲通譜登梓而事巨力綿有志未就
嗚呼歎哉特倩善筆使傳一譜而上自曼祖下暨耳孫開卷瞭
然則昭穆之班昆季之序焉可誣也此足以爲遐方末裔知其
有來處之道也嗟哉吾宗縱橫作圖逐世連錄代各不替則必
知其千枝萬葉猶自一根而生庶知其千派萬流亦自一源而
發後世來裔可不壽傳而務之也哉序於是譜者雖不無僭竊

之罪然於宗族連系之道不可無文故謹叙一贊

歲己未春三月望不肖孫正均 謹序

萬戶公頌惠碑文

北鎮鎖鑰非公不可居官守法愛民無情捐廩八斛脩城壓墮
欲報其德山不磊砢

順治壬寅春

兵房金鑑善等立

附錄姓氏考

按唐高宗顯慶五年新羅太宗武烈王遣金仁問如唐乞師討百濟高宗遣武威上將軍蘇定方率水陸軍十三萬自萊州渡海而來我初祖諱茂以中郎將從征百濟留仕新羅焉

之孝自是隴西人也隴李本臯陶之後為大理其子孫歷虞夏商世為大理以官名族為理氏後孫徽當紂時以直死妻陳國契和氏與其子利貞逃伊候之墟食木子得全遂改理為李出唐書

老子傳註云其母有身八十年逍遙於李樹下生老子自指其樹為姓又按唐玄宗以老子為始祖號玄元皇帝武云中郎公

唐之宗室未詳孰是姑書此以備後參考

譜義考

譜之為言普也普作晉日光遠近皆同曰普譜然則當作譜言祖先血脉遠近皆通亦猶是爾子孫脩世譜者不可不知此義

世系考

原譜所謂三宗者十派之所宗也十派者五男之所分也五男者延安伯之所生也十派中奉御唐事襲洪之後諱光庭封延原府院君判小府諱賢呂之後諱石亨封延城府院君通禮門使漬之後諱好閔封延陵府院君三君皆以延安之延為號故是為三宗也

延安伯以後至寺僕正公事在羅麗文獻不足近見高麗名室
衲章延安伯謚文清有子五人高麗明宗朝虎衛上將軍李齊
善是五派之後也云

家狀

公姓李諱載福延安后也考諱春翼嘉善祖諱濟栢校尉曾祖
諱秀萬康熙二十四年承勤力副尉高祖諱仁元仁祖二十二
年甲申登武榜乙科第十四人出身即順治元年十月十二日
也考宗五年癸巳正月日豫差內禁衛為振威將軍十二年庚
子十月一日順治十七年行會寧鎮管古豐山萬戶領惠碑作
譜云自草溪郡守左降鎮管未知是否而吾州之延李以此為

八北始祖也嗚呼至若公之身八北只為四世總小功之族遠
莫相識則渡淮之歎首邱之懷倘如何哉妣羅州金 之女

生公于乾隆二十七年十二月二十七日也公容顏奇偉氣宇
英豪見之者皆曰有萬戶公之風也萬戶公之風樹此千古尚
今不死頌而傳之者也此非伯夷之風尚清於萬古者耶公武
藝絕人雖百步之外穿楊不難猶三耦之中貫革亦易此孔子
所謂循群而發不失正錫者唯其賢乎者果準的於公之射藝
也乾隆壬寅公二十一歲也秋試公以閒良登武榜丙科道光
二十二年四月三十日奉回科紅牌及折衝教旨此於古人三
場未及捷者但小一也公言語焉有口給之辨處事焉有英豪

之氣當時以起、武夫目之也。本郡西雲頭岡上水湖，卽公之生長游息之所也。自少至老，招其村武以弧矢為事業，請其村老以飲博為高致，一生清閑，世所不及者矣。以壽卒于乙巳十月二十九日，距其生年壬午八十有四歲也。葬于家後園峯，癸坐之原，配平海黃進亨女附左，而有婦德，嘗稱著於世。公有二子：長鼎烈，次鼎信。鼎烈有二子：長鑑杓，通政；次根杓，嘉善五衛將。根杓有二子：長柱華，次元華，登武科，宣薦，今請文者元華之長子正均，繼伯父后也。

聖誕後二千四百五十二年春正月 日剡郎崔益鎮 謹識

黃海道延白郡海月面龍鳳里庚兌龍午原

盈德公

夫人趙氏

萬戶公

夫人金氏


四位墓

山圖

公公公


議事軍

叅奉護 飛楊山下夜原



咸鏡道會寧郡東五里沙阿洞壬坎龍乾原乙亥得未破

八司果公三附墓夫人墓
北果公三附墓夫人墓



壬坎